



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopvs Co-||loniensiſ Princeps ||
Elector, &c.**

Gelenius, Aegidius

Coloniae Agrippinae, 1633

Caput Decimumquartum. De poena Arnoldi militis cum martyri
malediceret.

urn:nbn:de:hbz:466:1-9728

A Sturmede, Gosvino Schulteto Sufatiensi, Henrico & Bartholdo filijs eius, Henrico de Vitinchouen, Gobelino de Meschede, & alijs quam plurimis. Datum Anno Domini M.CC.XLVIII. In Annuntiatione B. Mariæ Virginis.

Caput Decimumquartum.

De pœna Arnoldi militis cum martyri malediceret.

B **V**T autem ad superiora redeamus, corpus martyris à duobus supra-
dictis Abbatibus per Rheni alueum Coloniam reducitur. Cum
que venissent contra Wesseling pagum, duobus milliaribus à Colonia Wesseling
distantem, miles quidam Arnoldus nomine, è litore prospiciens, vbi
didicit pontificis Engelberti ossa reuehi, in contumeliam martyris e-
rupit, ita dicens: Multi aiunt, dominum hunc, qui complures læsit,
damnis affecit & exhæredauit, sanctum esse & miracula facere. Hoc si
verum est, quod tamen ego non credo, hæc mihi Deus faciat & addat,
vt antequam moriar, insanus efficiar. Multauerat illum beatus Epi-
scopus quadraginta marcis ob culpam filij eius, qui fœminam vi op-
presserat. Qua tamen in re multum ei pepercerat, vt facinus morte ple-
ctendum, tam modicæ pecuniæ damno mulctaret. Vt verò ostenderet
Deus, quàm periculosum sit homini ponere in cœlum os suum, eodem Homo ma-
ledicus
male de
martyre
loquens
diuinitus
punitur.
Psal. 108.
Sap. 1.
die maledico vertiginem capitis immisit: & eum paulò post aliena lo-
queretur, vxorem cum cæteris cædere cœpit, itemque sacerdotem, qui
ad confessionem eius audiendam vocatus erat. Quid plura? Tenerur,
vincitur, custoditur tanquam furiosus, & sequenti die post multa blas-
phemiæ verba sine viatico & confessione animam insanus expirat. In-
duerat enim maledictionem sicut vestimentum, & intrauit sicut aqua
in interiora eius. Itaque nemo debet sibi malum imprecari: quia licet
benignus sit spiritus sapientiæ, non tamen semper liberabit maledi-
ctum à labijs suis. Hæc mihi retulit miles quidam, qui has Arnoldi blas-
phemias audiuit, nec tamen compefcere potuit blasphemantem: & vix
est quilquam in vicinia, quem tantum lateat miraculum. Audiant re-
centem militis huius pœnam, atque vtinam non etiam æternam dam-
nationem, qui quacun que ex causa martyri detrahentes, & gloriæ eius
inuidentes, dicere solent: Nequaquam credere possumus, virum super-
bum,

bum, auarum, & prorsus mundo deditum, miracula posse edere. Considerant illi, quid aliquando fortasse fuerit: sed quid per martyrium factus sit, non attendunt. Credant saltem saluatum, quem dæmones martyrem confitentur.

Notatio ad Caput Decimumquartum.

Blasphemie in Sætos punitæ. **G**eminum his narrat Cæsarius lib. 8. dial. cap. 69. *Simile, inquit, habes de Annone Coloniensi Archiepiscopo, cui cum post mortem multi detraberent, dicentes: eum Ecclesiarum fuisse dismembratorem & ciuium suorum excæcatorem; Dominus Deus in translatione illius, quanta sanctitatis esset, signis plurimis ostendit.*

Caput Decimum quintum.

De obsesso in Magdeburg quale ei testimonium perhibuerit.

EST in ciuitate Magdeburgensi quidam obsessus à dæmone pessimo, qui nullius timet exorcismos, nec vult respondere, nisi vni sacerdoti, qui specialem gratiam contra illum accepit à Domino: cui etiam sapè noua & occulta dicere consuevit. Postridie eius diei, quo occisus est Episcopus, præcepit illi sacerdos, vt aliquid noui ipsi diceret. Illo diutius reluctante, & presbytero instante, miro modo cœpit dæmon ridere, cachinnari, manus complodere. Cumque sacerdos diceret, *Quid habes, & quæ causa est tanti tripudij tui?* respondet ille: *Eiâ, eiâ: serò ille ENGELBERTVS, qui Coloniæ Episcopus erat, occisus est. Stupente sacerdote ac dicente, Mentiris: ille respondit, Citò percipies. Et sacerdos: Fuiisti in morte eius? Fui, inquit ille: imò non sunt tot graminis herbulæ, quot ibi congregati fuimus. Cumque sacerdos diceret, Quid factum est de anima eius? lugubri voce respondit: Quando oculi eius sanguine obducti & oppressi fuere, anima nobis erepta est, & quò peruenit, ignoro. Post triduum audientes de morte pontificis, satis admirati sunt, quibus priùs verba dæmonis innotuerant. Ciuitas enim Magdeburgensis à loco cædis penè quatuor abest mansionibus. Et si autem diabolus mendax est ab initio, & pater eius, constat tamen ex*
Euan-

Serò; id est, hesterno vespere.

Joan. 8.